

奉天通志

二函之六冊
大事清聖祖

奉天通志卷二十九

大事二十九 清

清三 聖祖上

聖祖康熙元年夏五月免盛京居民工役

清實錄五月庚辰奉天府府尹徐繼煒疏言新投盛京居民生計未遂應暫免一切工役下部議行

秋七月改錦州爲錦縣

清實錄順治十八年十二月甲寅奉天府府尹張尙賢疏言河西錦州廣寧寧遠地方有佐領一員協管或屬永平或屬奉天其間流民甚多入籍甚少應改爲州縣收募爲民又近有流徙人犯修造工程贖罪之例有力者已認工程無力者應准招民

贖罪若得數千家立爲京縣實萬年根本之圖下部議

又康熙元年七月壬辰改錦州爲錦縣設知縣典史各一員隸奉天府其寧遠縣人民暫歸錦縣管理

扈從東巡日錄^上康熙元年以錦州爲錦縣屬奉天府

冬十一月流徙江南巡按衛正元於尙陽堡

清實錄十一月甲戌刑部等衙門以朝審情實各犯具奏內絞犯衛正元一案得旨衛正元身爲江南巡按當海賊入犯時理應前進保守江寧乃由太平退回鳳陽姑從寬免死流徙尙陽堡

是年改奉天昂邦章京爲鎮守遼東等處將軍

康熙盛京通志^六元年奉天昂邦章京改鎮守奉天等處將軍

八旗通志

十一百六

烏庫理傳元年改總管爲將軍仍以烏庫理

任之

二年春正月移民於盛京並召墾蓋州熊岳地方荒地

清實錄正月壬午盛京戶部侍郎吳瑪護等遵旨議覆蓋州熊岳地方安插新民查有附近荒地房基酌量圈給並令海城縣督率勸墾從之

又正月己丑奉天府府尹徐繼煒疏言海城牛莊等處安插新民民多地少查各蒙古頭目移居邊外有遺下熟地又馬城地方官馬已經移養棄地亦多請分給新民得旨馬廠地准給民墾種

藩故三康熙二年令錦縣大凌河牧場東至右屯衛西至鴨子

廠南至海北至黃山堡留爲牧馬地

朝鮮顯宗實錄四年七月壬辰謝恩使右議政鄭維城副使完原君李晏還自北京言清人刷南方俘虜之逃還本土者分處於建州瀋陽自關內至關外車載號咷者日逢五六乘或七八乘

冬十二月改造福陵昭陵地宮

清實錄十二月甲寅改造昭陵地宮成安奉太宗文皇帝寶宮設寶座神牌於享殿

又十二月辛酉改造福陵地宮成安奉太祖高皇帝寶宮改設寶座神牌於享殿

增設盛京刑部侍郎等官

清實錄十二月丙辰吏部議覆遼東將軍吳庫立疏請添設盛京刑部郎中二員員外郎六員應如所請得旨如議仍添設侍郎一員爾部將應補官員開列具奏

八旗通志

十一百六

烏庫理傳先是盛京設戶部禮部工部侍郎

等官而兵民獄訟悉隸其事於總管未設刑部至是烏庫理請增設疏下廷議始設刑部侍郎一郎中二員外郎六主事三

又

三四十

職官志康熙元年復設刑部

嘯亭雜錄

四

章皇帝初定北京盛京設昂邦章京一員及駐防

官員兵丁若干以爲陪京保障時未遑設文吏至康熙初丁口漸盛其賦稅刑名簡練士卒等事有饒於昔因仿明南京之制初設戶部侍郎一員繼而次第設立禮兵刑工侍郎各一員陪

京之制始備其未設吏部者以其地官員無多仍由京中銓選

故不備其後王侍郎

祁原

請增設漢員以備體制部議不果行

三年春正月以佟宏器爲奉天府尹

清實錄正月庚辰陞光祿寺卿佟宏器爲奉天府尹

制盛京謁陵禮儀

清實錄正月癸巳恭鑄太祖高皇帝太宗文皇帝尊諡於陵前
石碑禮部議奏謁陵禮儀王以下三品官員以上凡有事往盛
京至福陵昭陵祇謁者應於城門外行禮開城門盛京禮部官
同看守值班官導引進謁來時不必進謁若遇祭祀供獻不必
隨班行禮得旨王貝勒行禮開殿門城門貝子以下三品官員
以上行禮不必開門餘依議

夏六月增設奉天府府丞置廣寧府及各州縣

清實錄四月癸卯吏部議覆奉天府府尹徐繼煒疏言盛京爲發祥重地請升遼陽爲京縣與宛大一例查遼陽不與奉天同城且外縣京縣品級不合不便改爲京縣得旨奉天府內著設一縣山海關以外開原以內應添設府州縣爾部酌議以聞

又六月丙午添設奉天府府丞治中通判推官設承德開原鐵嶺三縣改遼陽縣爲州並海城蓋平屬奉天府改廣寧爲府添設通判推官經歷設廣寧縣寧遠州並錦縣屬廣寧府俱令奉天府府尹管轄

扈從東巡日錄^上三年設廣寧府附郭爲廣寧縣四年廢廣寧府以縣屬錦州府

又_下康熙三年改遼陽縣爲州

冬十二月罷廣寧府置錦州府

清實錄十二月壬午改奉天所屬錦縣爲錦州府廣寧府爲廣

寧縣屬錦州府

會典事例

九一三零

改廣寧府爲錦州府移治錦縣又裁儒學訓導

一人

扈從東巡日錄

上

四年增設錦州府縣屬府治

四年春三月建福陵昭陵明樓

清實錄春三月壬辰建福陵昭陵明樓

夏四月吳庫禮卒以達都爲遼東將軍

清實錄四月辛巳陞遼東副都統達都爲遼東將軍

八旗通志

十一百六

烏庫理傳四年四月以疾卒於任

六月改遼東將軍爲鎮守奉天等處將軍

清實錄六月己未改遼東將軍銜爲鎮守奉天等處將軍

秋七月以科爾沁故和碩達爾漢巴圖爾親王滿珠習禮子和拖襲爵

清實錄七月丙戌以科爾沁故和碩達爾漢巴圖爾親王滿珠習禮子和拖襲爵

蒙古游牧記一康熙四年子和塔嗣去巴圖魯號世襲罔替

禁止民人私採人參

清實錄七月丁酉禁止民人私採人參

八月設奉天府學

奉天通志 卷二十九
清實錄八月己卯設奉天府學照順天例爲京府學考取生員
七名所屬錦縣爲大學考取生員七名遼陽寧遠海城爲中學
考取生員五名蓋平鐵嶺廣寧爲小學考取生員二名錦州府
爲府學考取生員四名

添設盛京工部郎中

清實錄八月辛巳添設盛京工部郎中一員

五年秋八月命奉天各學武生附順天鄉試

清實錄八月己酉朔命奉天等處各學武生照文生員例附順

天武鄉試取中三名

冬十一月以科爾沁故卓禮克圖親王吳克善子畢爾塔噶爾襲

爵

清實錄十一月乙酉以科爾沁故卓禮克圖親王吳克善子畢

爾塔噶爾襲爵

是年白旗堡等處地畝給民墾種

會典事例

九一三零

康熙五年定白旗堡小河西兩處地畝令府尹

給民耕種照熟地例輸賦廣寧寧遠兩縣曠地給民開墾

六年夏四月陞佟弘器爲大理寺卿

清實錄四月庚申陞奉天府府尹佟弘器爲大理寺卿

閏四月以王印祚爲奉天府府尹

清實錄閏四月己卯陞左僉都御史王印祚爲奉天府府尹

順按

天府志作王胤祚亦作王景祚盛京通志作王景祚

順天府志

九一十

王景祚傳尋陞奉天府尹景祚至奉天輯和滿

漢軍民各安其所無間言先是遷徙人口隸各牛豕下景祚特疏請歸州縣遼左舊不權鹽有豪商叩閭請行下景祚議景祚卽日上疏言遼左不權鹽者實有遠慮一旦創舉恐滋後日之擾奉旨罷之

冬十月承德縣地震

清實錄十月己卯奉天府承德縣地震有聲

十一月振奉天雹災

清實錄十一月戊申以奉天府承德廣寧二縣雹災命發糧賑濟飢民

是年裁奉天府推官

會典事例

九一
三零

六年裁奉天府推官一人

七年春二月免奉天災糧

清實錄二月庚辰免奉天府承德廣寧二縣康熙六年分雹災額賦

秋七月退還唐官等屯民間圈地

清實錄七月己亥令奉天唐官等屯所圈之地退還民間

九月達都卒進吳瑪護爲奉天將軍

清實錄九月庚子以盛京戶部侍郎吳瑪護爲奉天將軍

又八年六月丁卯予故原任奉天將軍達都祭葬如例

冬十月以科爾沁故卓禮克圖親王畢爾塔噶爾子鄂輯爾襲爵
清實錄十月乙酉以科爾沁故卓禮克圖親王畢爾塔噶爾子

鄂輯爾襲爵

是年設奉天府司獄

會典事例

九一三零

七年設奉天府司獄一人

八年夏五月嚴禁察哈爾阿布奈親王於盛京

清實錄二月辛卯禮部請封蒙古諸王妃得旨察哈爾阿布奈親王之妻著停封阿布奈係出征所獲之人乃以尙固倫大長公主命爲親王恩遇優渥較之在內及在外蒙古諸王止有太過並無不及乃在外諸王貝勒等每年俱來問安年節來朝阿布奈竟忘恩養八年以來不一朝請且每年遣人存問公主所生之子頒給恩賜阿布奈猶不親身一問太皇太后及朕躬安公主所生幼子阿布奈理宜撫養乃交與已分家之長子更屬何心此等情節理藩院嚴察議奏

又五月己未理藩院遵諭議覆阿布奈無藩臣禮大不敬應論死得旨姑從寬免死著革去親王嚴禁盛京

雍正御製聖祖聖德神功碑文

清實錄

察哈爾部布爾尼者元之

遺裔其先世納款獻傳國璽故荷特恩尙主封王父阿布奈漸爲狂恣皇考不忍置諸法羈諸盛京俾布爾尼襲封召之不至遂以所部叛

朝鮮顯宗實錄十年九月庚申走回人崔吉自蒙古來言蒙古王被拘瀋陽太子往赴北京禁令解弛故乘時逃來且言彼中事情曰蒙古王卽順治皇帝妹夫也其妻生時謂王曰我死之後無往瀋中往必爲所擒妻死王思其言一不往瀋清國使人責之曰瀋有爾祖先墳何不一來展掃王不得已來赴清人設

機擒之拘留使立其子爲王其子年方十六揚言曰以非罪拘執父王不可罪父立子不可王遂馳往清京蒙古十二部中此最長十二部各擁精兵數十萬以爲事已則俺等亦無事有不然者將舉兵相向蒙古王年雖幼而魁偉出羣云

又十月庚辰義州府尹李東稷狀報梨柏清持去差使員麟山僉使金得善清譯崔厚元來傳所聞曰瀋陽城中別築一城狀若烟臺高可五六丈許上以荆棘圍之問其故則清人言蒙古自前難制故爲羈縻之計曾以帝女妻其王於順治爲同生妹夫厥後蒙古王不謹侯度順治之喪亦不來弔北京積怒而隱忍者久矣往年蒙王妻身死火葬之時國俗例焚其平生衣服珍寶而此則不焚且不待北京許娶而以其亡兄之妻爲後妻